

Minister Willem Vrolijk:

NO TA INTENCION PA KITA DIRECTOR JANSSEN FOR DI SETAR

ORANJESTAD(AAN) -- Ayeramainta durante conferencia di prensa di gobierno, Minister Willem Vrolijk, a duna un relato di su promer dos dianan como minister di Transporte y Telecomunicacion. E splicacion di Minister

Vrolijk tabata cortico ya cu 11'or di mainta e tabatin un reunion cu Gobernador.

Loke a resalta di su splicacion ta e situacion cu ta reina na Setar caminda el a bisa cu e ta kere cu e mester sinta na

mesa cu e director, consoho di comisario y sindicato. Minister Willem Vrolijk a enfatisa cu e ta kere cu ta sumamente importante cu tin un bon relacion di comunicacion entre director, minister, consoho di



Gobierno ta ractifica su posicion como accionista den Air Aruba

Lo vela semper pa e Compania su interesnan:

ORANJESTAD (AAN): Gobierno di Aruba a informa ayera mainta durante conferencia di prensa di Consoho di Minister, riba e situacion financiero cu Air Aruba ta pasando aden. Gobierno a mustra cu su posicion como accionista di Air Aruba ta uno cu semper lo para pa loke ta lo mihor pa e compania y cu tur preocupacion cu por existi lo haya e atencion debido. Tur hende sa e interes y balar di Air Aruba pa desaroyo turistico y economico di Aruba y si cualkier situacion presenta cu ta rekeri esfuerso y atencion di tur hende, Gobierno di Aruba lo ta sigur un di esnan para pa evita cualkier situacion menos desea.

Bienestar di Air Aruba ta nifica bienestar di tur hende y Gobierno a duna di conoce un situacion preocupante cu a presenta y cu tin cu ser atendi. Semper Gobierno a a atende asunto nan di Air Aruba cu tur seriedad posibel y esaki ta e caso aworaki atrobe. Gobierno a reuni cu gerencia di Air Aruba y ta compronde e situacion cu a presenta. Ta asina cu Air Aruba ta pasando den un proceso di refinanciamiento y un di e companianan mericano, den e caso aki, no a ricibi cierto pagonan na

tempo, cual a haci e situacion un poco dificil pa e compania. Den transcurso di ayera mainta, gerencia di Air Aruba a haci nan maximo esfuerso y a paga e suma na dicho empresa, pa cual e situacion ta uno totalmente controlable. E situacion ta rekeri seriedad y Gobierno di Aruba ta sigura y compromete su mes cu cualkier problema cu por surgi den futuro lo haya e mesun atencion debido. Gobierno di Aruba y Air Aruba lo percura pa cu e viabilidad di compania.

comisario y sindicato.

Recientemente ex minister Junior Croes a bisa cu mester reemplaza e director di Setar. Prensa a haci Minister Willem Vrolijk e pregunta si e ta mantene e punto di bista aki. El a bisa cu e mester bay studia ainda e correspondencia cu tabatin entre ex minister Junior Croes y e director di Setar pero e ta haya cu no ta e intension di kita Jansen

como director.

Minister Vrolijk su punto di bista ta cu e kier sinta na mesa cu sindicato di Setar pa asina mira si realmente e trahadornan mester haya mas placa. Si esaki ta e caso nan mester haya loke nan merece. Door di haci esaki, bo ta stimula e trahadornan y nan lo bay traha mas mihor y esaki ta den beneficio di Setar y comunidad lo disfruta di esaki.

Minister Vrolijk: Privatizacion na Postkantoor mester bira realidad

ORANJESTAD(AAN) -- Un di e lugarnan cu Minister Vrolijk ya a bishita pa pone su mes na altura di e situacion ta Postkantoor. E mandatario, durante conferencia di prensa di gobierno, a bisa cu el a haci un recorrido den Postkantoor y a mira e ideanan pa privatizacion y e cambionan cu lo haci den e edificio. E ta haya cu esaki ta necesario pa asina tin un mihor funcionamiento na Postkantoor.

Minister Vrolijk a sigui bisa cu e tin cu aclarea cu e pensamiento cu entre otro e mes tabatin cu Postkantoor ta entrega carta laat ta uno robez. E mes tabata testigo di cartanan di Postkantoor ta haya cu ya ta dos siman atrasa. Esaki ta nifica pues cu no ta na Postkantoor di Aruba sino Postkantoor di otro paisnan ta haci cu cartanan ta yega nan destino hopi laat.

MUCHO BIBA LEKKER!!

